



S

Na osnovu člana 24. stav (3) Zakona o državnoj službi u Federaciji Bosne i Hercegovine («Službene novine Federacije BiH», br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U - 13/16) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj 13/19), a na zahtjev Federalnog ministarstva zdravstva, Agencija za državnu službu Federacije Bosne i Hercegovine, objavljuje

**JAVNI KONKURS  
za popunu radnog mjesta državnog službenika  
u Federalnom ministarstvu zdravstva**

**RADNO MJESTO:**

- **Stručni savjetnik za EU integracije**

**– 1 (jedan) izvršilac**

**Opis poslova:** neposredno obavlja najsloženije poslove iz nadležnosti Odsjeka, i to: obavlja stručne i operativne poslove u pogledu procjena i analize novih oblika suradnje sa Evropskom Unijom u okviru djelokruga Ministarstva. Koordinira aktivnosti unutar Ministarstva u procesu europskih integracija na izradi strateških dokumenata, izradi informacija, stručnih analiza i drugih materijala u procesu europskih integracija iz oblasti koje su u nadležnosti Ministarstva; daje stručne upute ostalim sektorima u Ministarstvu u pogledu sadržaja EU direktiva iz ove oblasti, priprema izvještaje o provedbi Sporazuma o stabilizaciji i pridruživanju i napretku u poglavljima za koje Ministarstvo ima obavezu redovnog izvještavanja, kao i izvršenju drugih ugovornih obaveza između Europske unije i Bosne i Hercegovine unutar mehanizama koordinacije uspostavljenog sa koordinacionim tijelima Vlade i koordinacionim tijelima u BiH; saraduje sa regulatorima u zdravstvenom sektoru, organima i institucijama koji su dio mehanizma koordinacije u Federaciji. U oblasti evropskih integracija sudjeluje u izradi poslovnih politika, strategija i planova pristupa EU-u na razini BiH; priprema izvještaje, analize i informacije iz nadležnosti Sektora; obavlja i druge poslove po nalogu neposrednog rukovoditelja;

**Pripadajuća osnovna neto plaća: 1.353,00 KM.**

**Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:**

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji i Bosne i Hercegovine;
- da je zdravstveno sposoban/a za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
- da nije obuhvaćeno odredbom člana IX.1. Ustava Bosne i Hercegovine.

**Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:**

- VII stepen stručne spreme, odnosno visoko obrazovanje prvog ciklusa (koji se vrednuje do 360 ECTS bodova) bolonjskog sustava studiranja, sa stečenom diplomom visokog obrazovanja medicinski ili stomatološki fakultet, položen stručni ispit - doktor medicine, odnosno stručni ispit – doktor

stomatologije, odnosno visoko obrazovanje prvog ciklusa (koji se vrednuje sa 240ECTS bodova) ili drugog ili trećeg ciklusa Bolonjskog sustava studiranja sa stečenom diplomom visokog obrazovanja filozofskog fakulteta, fakulteta političkih znanosti – smjer politolog

- 3(tri) godine radnog staža
- aktivno znanje engleskog jezika – u skladu sa odredbama Pravilnika o dokumentaciji kojom se dokazuje poznavanje ili znanje ili aktivno znanje stranog jezika u postupcima provođenja konkursa u organima državne službe u FBiH (“Službene novine FBiH”; br. 51/16 i 59/16)
- poznavanje rada na računaru

#### **Prijavlivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije [www.adsfbih.gov.ba](http://www.adsfbih.gov.ba))

#### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa.

**Napomena: ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbijene kao neuredne.,**

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH” neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH:  
Odjeljenje Agencije za Kanton Sarajevo i Bosansko-podrinjski Kanton Goražde  
u Sarajevu  
Ul.Kulovića br.7., 71000 Sarajevo  
sa naznakom:**

**“Javni konkurs za popunu radnog mjesta državnog službenika u Federalnom ministarstvu zdravstva  
sa pozivom na broj: 10-30-8-176/21 „**

**DIREKTOR**

**Refik Begić, magistar uprave**

